


92 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი—გაზეთი „ჩხარის კოლმეურნე“.



92 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“
პანკრატოვი პაპრატიონი

თერჯოლა

Facebook გაზეთი თერჯოლა
www.nplg.gov.ge
www.terjola.gov.ge

საზოგადოებრივი გაზეთი • გამოდის 1933 წლიდან • №9 (7132) 1 მაისი, 2025 წელი

ქრისტე აღსდგა! ჭეშმარიტად აღსდგა!

40 დღის განმავლობაში—იესო ქრისტეს აღდგომიდან ამაღლების ჩათვლით, ამ სიტყვებით ესალმებიან ერთმანეთს ქრისტიანები.



საქართველოს კათოლიკოს-პატრიარქის სააღდგომო ეპისტოლე

საქართველოს წმინდა მართლმადიდებელი ეკლესიის წევრთ, მკვიდრთ ივერიისა და ჩვენი ქვეყნის საზღვრებს გარეთ მცხოვრებ თანამემამულეთ:

ქრისტე აღდგა!

აღდგეს ღმერთი, მიმოიფანტონ მისი მტრები და მისი მოძულენი ილტვოდნენ პირისგან მისისა; და როგორც ქრება კვამლი, - განქარდნენ ... მართლები კი განიხარებენ და იზეიმებენ ღმერთის წინაშე და სიხარულით დატკბებიან (ფს. 67. 2-3).

როგორი დიდი ნუგეშია წმ. დავით მეფის ამ წინასწარმეტყველურ სიტყვებში! როგორი იმედითა და სულიერი სიხარულით გადაეცემოდა თაობიდან თაობას ბოროტებაზე გამარჯვების ეს საგალო-

ლამდე.

წმინდა წერილიდან ვიცით, რომ ღმერთმა ხილულ სამყაროში თავის ხატად მხოლოდ ადამიანი შექმნა და დაადგინა სხვა ქმნილებათა განმგებლად; მისცა თავისუფლება და ედემის ბაღის პატრონობა დაავალა; იგი უნდა ყოფილიყო ამ ბაღის და ცნობადისა და სიცოცხლის ხეთა ბრძენი მცველი; დანარჩენი ქმნილებები კი მას უნდა დამორჩილებოდნენ. ამით შემოქმედმა განსაკუთრებული პატივი მიიღო ადამიანს და არჩევანი ბოროტებასა და სიკეთეს, სიკვდილსა და სიცოცხლეს შორის მის ნებას მიაწოდა.

ჩვენს პირველშობელთა მიმართ ამგვარი ამაღლებული დამოკიდებულების გამო შურით აღძრულმა ბოროტმა სულმა აცდუნა ისინი და განაშორა ღვთის დიდებას; ქვეყნიერება კი დარჩა უფლისგან დადგენილი მზრუნველის გარეშე.

ბოროტი ძალა მხოლოდ ადამისა და ევას შეცდენით არ დაკმაყოფილებულა; ათასგვარი ხერხით იგი დღემდე ცდილობს, თავისკენ გადაიბიროს კაცობრიობა და საბოლოოდ აღხოცოს მასში ღვთის ხატება.

მაგრამ ადამიანი ცოდვამ და სიკვდილმა ბოლომდე მაინც ვერ დასცა. ყოვლად-ძლიერი, ცოცხალი, კურთხეული, უხილავი ღმერთის (როგორც ძველ

7



ბელი. დიადი ჟამის აღსრულებას კი უკვე თითქმის 2000 წელია გამორჩეულად აღნიშნავს კაცობრიობა; ჩვენც დღეს ამ ზეიმის მონაწილენი ვართ.

კიდევ ერთხელ მინდა მოკლედ შეგახსენოთ, თუ როგორია გზა სამოთხიდან, მინიერი ყოფის გავლით, ცათა სასუფევე-

ეს ჩვენი ისტორიაა გოგნი—სალოცავების სოფელი

დაპირებისამებრ, ტყიბული-თერჯოლის ეპარქიის მიტროპოლიტის, მეუფე გიორგის (შალამბერიძე) ლოცვა-კურთხევით, ავტორთა ჯგუფი: ილუმენი ბასილ კვინიკაძე, ბერ-დიაკონი მაკარი (ჯამასპაშვილი), ილუმენია ნატალია (ბოგვერაძე), დაჩი ბარდაველიძე, გელათის სასულიერო აკადემიის კურსდამთავრებული და დავით კლდიაშვილი, რუბრიკით „ეს ჩვენი ისტორიაა“ ვინწყებთ წერილების გამოქვეყნებას თერჯოლის მუნიციპალიტეტის ეკლესია-მონასტრების შესახებ. გამოსაქვეყნებელ მასალებზე კონსულტაციებს დაგვთანხმდა ისტორიის მეცნიერებათა დოქტორი, საქართველოს ეროვნული არქივის ქუთაისის ცენტრალური არქივის დირექტორი მერაბ კეზევაძე.

ამ რუბრიკით თხრობა სოფელ გოგნის სალოცავებით ვინწყებთ. იმის გათვალისწინებით, რომ ჩვენ ბევრჯერ გვქონდა დაბეჭდილი ტექსტური და ფოტო მასალები გოგნის ცნობილ „კარუგდებელზე“ და იქვე აშენებულ ახალ ტაძარზე, ამჯერად თქვენს ყურადღებას გავამახვილებთ ერთ-ერთი უძველესი მონასტრის—გოგნის (უდაბნოს) მონასტრის თაობაზე.

სწორედ პატონმა მერაბ კეზევაძემ მოგვანოდა ვრცელი ინფორმაცია ამ უძველესი მონასტრის შესახებ, რასაც მნიშვნელოვანი შემოკლებით ვბეჭდავთ (სრულ ტექსტს შეგიძლიათ გაეცნოთ ინტერნეტ სივრცეში. archive.gov.ge).

დიდი მადლობა მას ამ საინტერესო ნაშრომისათვის.

რაც შეეხება ჩვენი გაზეთის 15 აპრილის ნომერში ამავე რუბრიკით განთავსებულ წერილს (ბაჩკოვო, ბულგარეთში არსებული ქართული კერა—პეტრინონის (XI ს) მონასტერი), მის დასასრულს მომავალ ნომერში შემოგთავაზებთ.

დავით კლდიაშვილი

8

სოფელი გოგნი, ხედი გოგნის „კარუგდებლიდან“



6 მაისი—გიორგობა
გილოცავთ!

ისინი საქართველოს
სახელით იბრძოდნენ!

2025 წლის 9 მაისს 80 წელი სრულდება
მეორე მსოფლიო ომის დამთავრებიდან

3

ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“ გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

სააღდგომო ამანათები

თერჯოლის მუნიციპალიტეტში, აღდგომის დღესასწაულთან დაკავშირებით, 70 წელს გადაცილებულ 100-მდე მარტოხელა მოხუცს სააღდგომო ამანათები გადაეცა.

მუნიციპალიტეტის მერი მანუჩარ რობაქიძე, საკრებულოს თავმჯდომარის მოადგილე დავით გოგბერაშვილთან ერთად, რამდენიმე ბენეფიციარს პირადად ესტუმრა, დამდეგი აღდგომის დღესასწაული მიულოცა და ამანათები გადასცა.



როგორც მუნიციპალიტეტის მერმა აღნიშნა, ხანდაზმულ მოქალაქეებზე ზრუნვა და მათი მხარდაჭერა ადგილობრივი ხელისუფლების ერთ-ერთი მთავარი პრიორიტეტია და მომავალშიც აუცილებლად გაგრძელდება.

აღსანიშნავია, რომ მსგავსი სოციალური პროექტები თერჯოლის მუნიციპალიტეტში საერო და საეკლესიო დღესასწაულებზე მუდმივად ხორციელდება და მას ორგანიზებას მერიის სოციალური სამსახური უწევს.



თერჯოლაში ქართული ენის დღე აღინიშნა

14 აპრილს, ქართული ენის დღესთან დაკავშირებით, ქ. თერჯოლის საჯარო ბიბლიოთეკაში თემატური ღონისძიება ჩატარდა. ლიტერატურულ-მხატვრული კომპოზიცია „ენა დედა ერისა“ ბიბლიოთეკის აქტიური მკითხველის მონაწილეობით გაიმართა.

დედა ენის დღეს მიუძღვნეს ასევე სამხატვრო სკოლის მოსწავლეებმა ნამუშევრები, რომლებიც სკოლის საგამოფენო სივრცეში განთავსდა, წარსდგა დამთვალიერებლის წინაშე. ნორჩმა მხატვრებმა ქართული ენის დიდოსტატთა პორტრეტები და მათი ცნობილი ციტატები აქციეს საინტერესო და საგულისხმო შედეგებად.

დედა ენის დღისადმი მიძღვნილ ღონისძიებებს

მუნიციპალიტეტის ხელმძღვანელობა დაესწრო. მუნიციპალიტეტის მერმა, მანუჩარ რობაქიძემ ქართული ენის დღე მიულოცა დამსწრე საზოგადოებას და ჩვენი აზრის ისტორიის და უნიკალურობის შესახებ ისაუბრა. მისი თქმით, დიდი მნიშვნელობა აქვს საზოგადოებისთვის და განსაკუთრებით მომავალი თაობისთვის ქართული ენის დაცვას, პატივისცემას და გაფართოვებას.

ღონისძიების მონაწილეებს დედა ენის დღე მიულოცეს საკრებულოს თავმჯდომარემ გიორგი ბარათაშვილმა და საგანმანათლებლო რესურსცენტრის ხელმძღვანელმა, ქეთევან შეყრილაძემ.



სოფელ ენერში შიდასაუბნო გზების რეაბილიტაცია დაიწყო

უკვე დამთავრდა სოფელ ბარდუბანთან დამაკავშირებელი ახალი უბნის 1000 გრძივი მეტრის გზის მონაკვეთზე არმირებული ბეტონის საფარის დაგება.

ფინანსურ სამუშაოებს თერჯოლის მუნიციპალიტეტის მერი მანუჩარ რობაქიძე, საკრებულოს თავმჯდომარე გიორგი ბარათაშვილთან და ადგილობრივი თვითმმართველობის სხვა წარმომადგენლებთან ერთად გაეცნო.

ახალი უბნის საავტომობილო გზის მოწყობის სამუშაოები შეასრულა შპს „ჯეო როუდ ინვესტმა“. სამუშაოების ღირებულება 210527 ლარია.

ენერში ასევე აქტიურად მიმდინარეობს მუშაობა უკლებლების საუბნო გზის სარეაბილიტაციოდ. ამჟამად იგება 1000 მეტრიანი მონაკვეთი. პროექტი გარდამავალია. შემსრულებელიც იგივე ორგანიზაციაა. ორივე პროექტი რეგიონული განვითარების ფონდიდან ადგილობრივი ბიუჯეტის თანადაფინანსებით ხორციელდება.



ახლადამკვიდრებული ტრადიცია

23 აპრილს მსოფლიო მწიგნობრების საერთაშორისო დღე აღინიშნა

ამ დღესთან დაკავშირებით, თერჯოლის მუნიციპალიტეტის მერმა ქალაქის საჯარო და საბავშვო ბიბლიოთეკებს წიგნები უსაჩუქრა. მანუჩარ რობაქიძე ბიბლიოთეკებში საკრებულოს თავმჯდომარე გიორგი ბარათაშვილთან და მოადგილეებთან ჯემალ ისაკაძესა და ნინო ჩხიკვაძესთან ერთად იმყოფებოდა. თერჯოლის მერმა წიგნის ჩუქების მსოფლიო დღე ბიბლიოთეკის თანამშრომლებს და მკითხველს მიულოცა და წიგნის მნიშვნელობაზე ისაუბრა.

შეხვედრას მერიის განათლების, კულტურის, სპორტისა და ახალგაზრდულ საქმეთა სამსახურის და ადგილობრივი თვითმმართველობის წარმომადგენლები ესწრებოდნენ.

23 აპრილი წიგნის ჩუქების საერთაშორისო დღედ 1923 წელს გამოცხადდა. 23 აპრილი ცნობილი მწერლების უილიამ შექსპირისა და მიგელ დე სერვანტესის გარდაცვალების თარიღებია. საქართველოში კი წიგნის ჩუქების ტრადიცია 2019 წლიდან დამკვიდრდა და მას შემდეგ ყოველწლიურად აღინიშნება.



მორიგი უფასო აქცია

16 აპრილს, თერჯოლის მუნიციპალიტეტის სოფელ ზედა საზანოს ამბულატორიაში თვალის უფასო აქცია ჩატარდა.

საზანოსა და მიმდებარე სოფლებში მცხოვრებ პენსიონერებს და მოქალაქეებს სხვადასხვა სახის გამოკვლევა ჩაუტარეს ქ.ქუთაისის ადგიმვილის კლინიკის ოფთალმოლოგებმა და ენდოკრინოლოგებმა.

სოციალური აქცია მუნიციპალიტეტის მერიის მხარდაჭერით და მერიის სოციალური სამსახურის ორგანიზებით, მუნიციპალიტეტში უკვე მეორედ გაიმართა და შემდგომშიც პერმანენტულად გაგრძელდება სხვა სოფლებში.

სოციალური აქციის მიზანია, მოქალაქეებზე ზრუნვა და თანადგომა.

სოციალურ აქციას თვითმმართველობის ხელმძღვანელი პირებიც ადევნებდნენ თვალყურს.



„ვირჩევ პროფესიას“ – რესურსცენტრის პროექტი თაობის პროფესიული ორიენტაციისათვის

4,5

ძვერის საჯარო სკოლის მოსწავლეთა მორიგი სპექტაკლი

6

ისინი საქართველოს სახელით იბრძოდნენ!

თერჯოლის რაიონმა მიხაკისფერი შავი ქირის—ფაშისტური გერმანიის წინააღმდეგ საბრძოლველად თავისი საკუთარი შვილებიდან 9 000-ზე მეტი წარგზავნა. აქედან 4 000-მდე უკან ველარ დაბრუნდა, მათ შორის ვერც ჭოგნარელი კაპიტანი ბუხაიძე, რომელიც გმირულად დაეცა კავკასიისათვის ბრძოლაში. მისმა გმირობამ დიდი პატრიოტული სული შთაბერა მეზობლებს მთელი მაშინდელი საბჭოეთის მასშტაბით. მშობლიურ მიწაზე დაბრუნებულთა შორის იყო საბჭოთა კავშირის გმირი დავით ჯაბიძე. სამწუხაროდ, იგი 65 წლის ასაკში გარდაიცვალა.

ხაზგასასმელია, რომ თერჯოლის რაიონიდან მეორე მსოფლიო ომში 8 ოჯახიდან ოთხ-ოთხი ძმა იყო წასული. ისინი ყველა გმირულად დაეცა ბრძოლის ველზე.

აი, ვისი სახელობისაა ოთხი ძმის ქუჩა თერჯოლაში

მიშიკო, ნესტორ, გაბრიელ, ბიქტორ ვასილის-ძე ხამაშურიძეები (საზანო).

კიკა, კალისტრატე, დავით, კალენიკე ვანოს ძე გოგბერაშვილები (თუზი).

სანდრო, ვლადიმერი, ნიკოლოზი, ვანო გაიოზის ძე ლომთაძეები (ჭოგნარი).

შალვა, აკაკი, ალექსანდრე, ივლან მინაგოს ძე გაბრიჭიძეები (გოგნი).

შალვა, პარმენი, სევასტი, სერგო აფრასიონის ძე კუპატაძეები (საზანო).

ირაკლი, გრიგოლი, დავითი, შალვა ანტონის ძე გვენცაძეები (რუფოთი).

ზოსიმე, დიმიტრი, ალექსანდრე, ნიკოლოზ ივანეს ძე რობაქიძეები (ღვანკითი).

ალექსანდრე, დიმიტრი, გრიგოლი, ბიქტორ სიპიტოს ძე ბუხრაშვილები (თუზი).

გმადლობთ ძმების ხსოვნისათვის!

43 წლის წინ, ოთხი ძმა კუპატაძეების დამ, ქალბატონმა ზინა კუპატაძემ თქვა: (გაზეთი „წინ-სვლა“ 1982 წელი, 9 მაისი №56)

ჩემმა ძმებმა შალვა, პარმენ, სევასტი, სერგო კუპატაძეებმა თავი შესწირეს სამშობლოს თავისუფლებისათვის ბრძოლას, ვერ იზიარეს მტერზე გამარჯვება, ვერ ტყვეებიან დღევანდელი ცხოვრებით. 36 წელმა ვერ განკურნა ძმების ტრაგიკული ბედით მიყენებული ჭრილობა, მაგრამ სულით არ დავცემულვარ, დღესაც ვპროშობ, ომი არ უნდა განმეორდეს, ასეთია ნება მილიონობით ადამიანის.

რაიონის ხელმძღვანელობამ, ხალხმა ძეგლი აუგო თითო ოჯახიდან ოთხ-ოთხი დაღუპული ძმის ნათელ ხსოვნას. ეს ძეგლი ჩემი ძმების უკვდავსაყოფადაც დგას.

სამარადისო დიდება მათ!



2025 წლის 9
მაისს 80 წელი
სრულდება
მეორე
მსოფლიო ომის
დამთავრებიდან

საბრძოლო
დიდების
მემორიალი
თერჯოლაში


დავით ჯაბიძე

დაბადების თარიღი : 23 იანვარი, 1917 წელი, სოფელი ჩხარი, თერჯოლის რაიონი.

გარდაიცვალა: 1982 წლის 15 დეკემბერს (65 წლის ასაკში)

დამთავრა თბილისის სახელმწიფო უნივერსიტეტის ისტორიის ფაკულტეტი 1955 წელს.

1933-1936 წლებში მუშაობდა ტყიბულის ქვანახშირის მაღაროებში. 1936 წელს ჩაირიცხა თბილისის სახელმწიფო უნივერსიტეტის ქიმიურ ფაკულტეტზე, პარალელურად სწავლობდა თბილისის აეროკლუბში, ხოლო 1938-1940 წწ. სტალინგრადის საავიაციო სასწავლებელში. სსრკ-ფინეთის ომის (1939-1940) მონაწილე. დიდი სამამულო ომის (1941-1945) დროს საჰაერო ესკადრილიის მეთაური სხვადასხვა ფრონტზე. ჩაატარა 100-ზე მეტი საჰაერო ბრძოლა, პირადად ჩამოაგდო მტრის 27 თვითმფრინავი. ავტორია მრავალი სამეცნიერო ნაშრომისა, ზოგიერთი თარგმნილია რუსულ, ჩეხურ და გერმანულ ენებზე. დაჯილდოებულია ორდენებითა და მედლებით. კაპიტანი, პროფესორი (1982).



ლეგენდარულმა მფრინავმა ომის შემდგომ დაიცვა სამეცნიერო ხარისხი, გახდა პროფესორი. მას უამრავი მეგობარი ჰყავდა ქართულ ინტელიგენციაში.

სურათი, რომელსაც აქვე გთავაზობთ სწორედ ამ ფაქტს ადასტურებს.

მასზე დავით ჯაბიძესთან ერთად აღბეჭდილი არიან: ნათელა ვასაძე, პოეტი ჯანსუღ ჩარკვიანი, კაპიტან ბუხაიძეზე, ცნობილი ლექსის ავტორი ირაკლი აბაშიძე და პოეტი მორის ფოცხიშვილი



კაპიტანი ბუხაიძე



მიხეილ ისიდორეს ძე ბუხაიძე დაიბადა 1905 წლის 26 აგვისტოს, სოფ. ჭოგნარში, გარდაიცვალა 1942 წლის 26 აგვისტოს, სოფ. პრაგოურვანსკში, (ყაბარდო-ბალყარეთი—რუსეთი) — ქართველი სამხედრო პირი, საბჭოთა არმიის კაპიტანი.

მეორე მსოფლიო ომის დროს მსახურობდა 392-ე ქართულ მსროლელ დივიზიაში, მეთაურობდა ბატალიონს კავკასიისათვის ბრძოლაში. 1942 წლის აგვისტოში თანამებრძოლთა გასამხნეველად საბრძოლო დროში შეტევაზე მოწოდებით წინ წასული სასიკვდილოდ

მე, ქართველი ბუხაიძე,
ბალყარეთის მთებში ვწევარ...
რომ შემეძლოს საფლავიდან,
ძმებო, მხრების წამოწევა,
მე სიცოცხლეს ხელმეორედ
შევწირავდი მშობელ მხარეს,
შევწირავდი იმავ მიწას,
დღეს რომ გულზე დამაყარეს.

ვინც დამხედოთ, გადაეცით
საქართველოს მთებს და
ველებს,
რომ მისი ძე, ბუხაიძე,
აქა ვუღელტდი სისხლის
მსმელებს;
არ ვუშვებდი დარიალთან
გააფთრებულ ყვითელ

ზიტორი ოთარ თაქთაქიშვილი).
ბუხაიძის სახელი მინიჭებული
აქვს ქუჩას თბილისში.

ირაკლი აბაშიძის ეს ლექსი,
რომელიც პოეტმა 1942 წელს
დანერა, სასკოლო სახელმძღვა-
ნელოში იყო შეტანილი. თაო-
ბებს ჰქონდათ დაზეპირებული.
მღეროდნენ კიდევ.

გველებს...
მე საფლავში არა ვწევარ, —
აქ დარაჯად დამაყენეს.
და ვუბარებ ყოველ ქართველს:
მისი წმინდა ვალი არი —
მოკვდეს, მაგრამ მკერდით
შეჰკარას
დერბენტი და დარიალი.

„ვირჩევ პროფესიას“ — რესურსცენტრის პროექტი თაობის პროფესიული ორიენტაციისათვის

კერძო სკოლა „მზეკაბანი“

ინტეგრირებული ღია გაკვეთილი კერძო სკოლა „მზეკაბანი“ (ხარისხის მართვის მეცნიერება აზა მემანიშვილი) ჩატარდა სპორტსა და საზოგადოებრივ მეცნიერებებში (მასწავლებლები: ზურა ბარბაქაძე, ბადრი რობაქიძე) V კლასში, თემაზე: ძველი ქართული სპორტული თამაშობები—ცხენოსნობა, ბერიკაობა, ლელო ბურთი. გაკვეთილის მიზანი: ძველი ქართული სპორტული თამაშების პოპულარიზაცია და პრაქტიკაში დანერგვა.

გაკვეთილის მსვლელობა მჭიდროდ იყო დაკავშირებული ეროვნული სასწავლო გეგმის მიზნებთან და ამოცანებთან: ქვეყნის სხვადასხვა მხარისათვის დამახასიათებელი მეურნე-

შესასრულებლად დანერგეს ან დახატეს საყვარელი სპორტის სახეობა და ინდივიდუალურად წარადგინეს ნაშრომი, ამასთან გააკეთეს ანალიზი თუ რატომ უყვარდათ ეს სახეობა, შემდეგ დაურიგდათ კროსვორდი „ჩვენი საქართველო“. კროსვორდი შესავსებად დაურიგდათ დამსწრეებსაც. კროსვორდი სამივე გუნდმა და დამსწრეებმა დადგინდნენ დროში 10 წუთში შეავსეს და ქალბატონ აზას სიგელებიც დაიმსახურეს (მე ყველა კითხვა ვერ შევავსე და იძულებული გავეხდი სიგელზე უარი მეთქვა, თუმცა სტუმართმოყვარეობის ვალის მოხდის მიზნით მაძლევდნენ).

მასწავლებელმა მოსწავლეებთან ერთად განიხილა თითოეული აქტივობა და შეაფასა. ინდივიდუალური პრეზენტაცია



ობის დარგების ერთმანეთთან შედარება საქართველოს მოსახლეობის ყოველდღიური ყოფისა და ეთნოგრაფიული ტრადიციების მრავალფეროვნების გასააზრებლად. ლეგენდების, მითების, თქმულებების, ისტორიული მოვლენების, პიროვნების მოღვაწეობის ლოკალურ გარემოსთან და ქრონოლოგიასთან დაკავშირება ისტორიულ-კულტურული მემკვიდრეობის მნიშვნელობის გასაცნობიერებლად და მის მიმართ მზრუნველი დამოკიდებულების გამოსავლენად; საქართველოს ეთნიკური, რელიგიური და კულტურული მრავალფეროვნების დახასიათება და მათ მიმართ პოზიტიური განწყობის ჩამოსაყალიბებლად. გამაჯანსაღებელ აქტივობებში აქტიური მონაწილეობა, ორგანიზაციის და თვითკონტროლის გამოქვეყნებისა და განვითარების მიზნით, ფიზიკურ-გამაჯანსაღებელ აქტივობებში ჩართულობით ჯანსაღი ცხოვრების წესის დანიშნულობის გაცნობიერება და ყოველდღიურ ცხოვრებაში დანერგვა-გამოყენება.

გაკვეთილი ასე წარიმართა—მასწავლებლები მიესალმნენ მოსწავლეებს და დამსწრეთ, განწყობის შექმნის მიზნით აჩვენეს ვიდეო—ჩემი პროფესია, სადაც მოსწავლეებმა ისაუბრეს ვის რა პროფესია მოსწონდა და რატომ. გაკვეთილის თემის პრეზენტაციისათვის მოსწავლეები დაიწყეს სამ გუნდად. პირველ გუნდს შეხვდა ცხენოსნობა, მეორეს ბერიკაობა, მესამეს ლელო ბურთი. სამუშაოდ მიეცათ 15 წუთი, სამივე გუნდმა პრეზენტაცია სრულყოფილად წარმოადგინა, შემდეგ შეასრულეს ინდივიდუალური სამუშაო—ჩემი საყვარელი სპორტის სახეობა, რომლის

შეფასდა 7 საკითხში (პასუხობს თემას, ფლობს აუდიტორიას, საუბრობს გამართული ენით და იყენებს შესაბამის ტერმინოლოგიას, იყენებს განსხვავებულ წყაროებს, ასახელებს მოვლენებს და ფაქტებს, იყენებს თვალსაჩინოებას, იცავს დროის ლიმიტს). ჯგუფური მუშაობა შეფასდა ხუთ საკითხში (ჯგუფის მიერ სამუშაო მიზნის გააზრება, სამუშაოს ორგანიზება, ურთიერთქმედება და აზრთა გაზიარების უნარი, დროის ლიმიტი, თანამშრომლობა), ორივე შემთხვევაში შეფასება იყო ძალიან კარგი.

კომისიის წევრებმაც მალაღონეზე შეაფასეს გაკვეთილი. დაიგეგმა დასწრება რაგბის ერთ-ერთ თამაშზე, რადგან იგი ჩვენი თამაშია.

ახალთერჯოლის საჯარო სკოლა

ახალთერჯოლის საჯარო სკოლას (დირექტორი ნინო თოდუაძე) პროექტში „ვირჩევთ პროფესიას“ წილად ხვდა „მედიცინა“. ღია გაკვეთილი ჩატარდა ქართულ ენასა და ლიტერატურაში მე-5 კლასში (მასწავლებელი მელანი გაბეხაძე).



გაკვეთილის თემად არჩეულ იქნა დღე მკვლელობის საბავშვო მოთხრობა „ქინაქინა“. გაკვეთილზე გარდა საგნობრივი სტანდარტით განსაზღვრული მიზნებისა, როგორიცაა ტექსტის წაკითხვა, გაგება-გააზრება, ლექსიკურ ერთეულზე მუშაობა, მნიშვნელოვანი ადგილი დაეთმო ხალხური და სამეცნიერო მედიცინის ერთმანეთთან შედარებას, ამ მიზნით წამლის დამზადებას. მოთხრობა მიმოხილულ იქნა სხვადასხვა თემატიკით, როგორიცაა ეკონომიკური პრობლემა, მშობლებისა და შვილების, მოსწავლისა და მასწავლებლის ურთიერთობა და რა თქმა უნდა, სამედიცინო საკითხი.

მასწავლებელმა მოსწავლეებს მიანოდა თეორიული და ელექტრონული ინფორმაცია, ქინაქინის, როგორც უძველესი სამკურნალო საშუალების შესახებ. ახსნა, რომ ჩვენი წინაპრები ქინაქინას იყენებდნენ ცივ-ცხელების (მალარიის) სამკურნალოდ, რომ ქინაქინისაგან ამზადებენ, როგორც ნაყენს ტემპერატურის დასაკლებად, ასევე მალამოს კანის სხვადასხვაგვარი დაავადების სამკურნალოდ. აღნიშნული მედიკამენტები რესურსის სახით წარმოდგენილი ჰქონდათ საკლასო „მინი აფთიაქში“, მოწყობილი ჰქონდათ „მინი ლაბორატორია“, მოსწავლეებმა „ლაბორატორიაში“ გადაინაცვლეს, მოირგეს ლაბორანტის ფორმა და „ქინაქინის“ ფხვნილისაგან დაამზადეს ნაყენი და მალამო. ეს იყო ერთ-ერთი საინტერესო აქტივობა—„კეთებით სწავლა“, რომელმაც მოსწავლეები გაახალისა. „აუწერელია ის მხიარულება, რომელსაც გრძნობდნენ, როგორც მიხას მშობლები, ისე თვითონ მისა“, „იქნებ ისწავლო რამე და გამოიყენო, თვარა ხომ ხედავ ჩვენ გასაჭირს“, „ბეჯითმა მიხამ მართლაც უშველა დედას და მამას“. მე-5 კლასელები ამ სიტყვებს კი არ ამბობდნენ, გრძნობდნენ, რომ ცოდნა ადამიანს ისხნის და ფეხზე დადგომაში წაუშველება. მართლაც „ქინაქინა“ არის მოთხრობა კარგი იდეით.

მოსწავლეებმა იცინა, რომ დღე მკვლელობის იყო პოეტი, მწერალი, საზოგადო მოღვაწე, ნერა-კითხვის გამავრცელებელი საზოგადოების წევრი, ცნობილი ლექსის „მე პატარა ქართველი ვარ“ ავტორი.

გაკვეთილი მალაღონეზე შეაფასა კომისიამ, ითქვა, რომ იყო ერთ-ერთი საუკეთესო

სო გაკვეთილი. კარგად შერჩეულმა, იდეურად სრულყოფილმა მოთხრობამ „ქინაქინა“ ბავშვებში გააღრმავა ცოდნის მიღების სურვილი და ზრუნვა ოჯახურ ღირებულებებზე.

ბარდუბნის საჯარო სკოლა

ბარდუბნის საჯარო სკოლაში (დირექტორი გულს სულამანიძე) ღია გაკვეთილი ბუნებისმეტყველებაში მე-6 კლასში ჩატარდა (მასწავლებელი მაია ნიკოლაძე). პროექტში „ვირჩევთ პროფესიას“ სკოლას წილად ხვდა „მეცნიერებები“. გამოიკვეთა მიზანი—მოსწავლეებში უნდა წარმოაჩინოს ცოდნა საბუნებისმეტყველო მეცნიერებების შესახებ და გამოყოს,



თუ რომელი მეცნიერებაა მისთვის საინტერესო, უფიქრია თუ არა აირჩიოს ეს მეცნიერება პროფესიად. გამოიკვეთა მასწავლებლის სურვილი—გამოეშლავებინათ ცოდნა მოსწავლეებს საბუნებისმეტყველო მეცნიერებაში, მიღწეულ იქნა.

გაკვეთილი იყო შემაჯამებული. მოსწავლეებს გავლილი აქვთ ფიზიკის, ქიმიის და ბიოლოგიის საგაკვეთილო თავები მცირე დოზით ბუნებისმეტყველებაში. ფიზიკის კურსიდან ყურადღება გამახვილდა ისეთ აქტივობაზე, სადაც მოსწავლეს დასჭირდა ძალთა გადანაწილების გამოყენების ცოდნა—წყლის ფილტრაციის შესახებ, მაგ. კაპილარული ფილტრაცია. ქიმიის კურსიდან ჩატარდა აქტივობა—ჩამქრალი კირის მიღება ჩაუმქრალი კირისაგან, მოსწავლეებმა ისაუბრეს ამ რეაქტივის მიმდინარეობის ფორმაზე (სითბოს გამოყოფა). დიდი ინტერესით განხორციელდა სოდისა და ძმრის ურთიერთქმედების რეაქცია (რის ხარჯზეც ბუშტები გაბერეს). კოკაკოლასა და შუმ-ხუნა აბების ურთიერთქმედებით წარმოქმნეს აირადი ნივთიერება და ცდით ხაზი გაუსვეს ჯანმრთელი, ჯანსაღი საკვების მიღების აუცილებლობას. მოსწავლეებმა ბიოლოგიის თემიდან გამომდინარე აანწყვეს

ეკოსისტემა, იმსჯელეს ეკოსისტემაზე მოქმედ ფაქტორებზე. ისაუბრეს ადამიანის დადებით და უარყოფით გავლენაზე ეკოსისტემაში. მასწავლებელმა მოსწავლეთა ყურადღება მი-აპყრო იმის გააზრებას—თუ რომელმა მეცნიერებამ გამოიწვია მათში ყველაზე მეტი დაინტერესება.

საბუნებისმეტყველო დისციპლინის სწავლების მიზანი—აზიაროს მოსწავლე საბუნებისმეტყველო მეცნიერების საფუძვლებს და განუვითაროს კვლევის უნარ-ჩვევები, რაც მას საშუალებას მისცემს შეიცნოს და გაითავისოს სამყარო, იგრძნოს პასუხისმგებლობა, გარემოსთან დამოკიდებულებაში, იცოდეს სამყაროში მიმ-

დინარე ფიზიკური და ქიმიური მოვლენები, ჰქონდეს ცოდნა დედამიწაზე და გარემოზე, ფლობენ გარკვეული ასაკის შესაბამისი დოზით. იგრძნობდა, რომ მოსწავლეებს გაუძლიერდათ ინტერესი საბუნებისმეტყველო დისციპლინების მიმართ, გაიზარეს ამ მეცნიერების მნიშვნელობა, გარემოზე ზრუნვის პასუხისმგებლობა, ისიც, რა მნიშვნელობა აქვს უსაფრთხო ცხოვრების წესის დაცვას.

გაკვეთილს ესწრებოდნენ სკოლის დირექტორი, მოადგილე სასწავლო-სააღმწერდელი მუშაობის დარგში, კომისიის წევრები, საგანმანათლებლო რესურსცენტრის ხელმძღვანელი ქეთევან შეყრილაძე, მთავარი სპეციალისტი მაია რობაქიძე.

ითქვა, რომ გაკვეთილმა მიზანს მიაღწია.



მადლობას იხდის მადლიერი ჟურნალისტი

ძვირფასო მკითხველებო, თანამოქალაქეებო, მოგესალმებით და გულწრფელ მადლობას გიხდით ნუგზარ გამყრელიძე.

ჟურნალისტიკა რომ რთული და საპასუხისმგებლო საქმეა, ამის განმარტებას არავინ საჭიროებს. მხოლოდ მადლიერებას გამოვთქვამ, რომ გაზეთისადმი დამოკიდებულება მუდამ გვაძლევდა სტიმულს—ჩვენი საკეთებელი საქმე მონოდების სიმალლეზე გვეკეთებინა. როგორ გამოგვდიოდა ეს—ამის განსჯის უფლებას თავს ვერ მივცემ. ჩემს ნილ მადლიერებას კი გამოვხატავ და გული მწყდება, რომ ასაკის გამო საყვარელ გაზეთთან, კოლეგებთან და მკითხველებთან დამშვიდობება მომიხდა.

გამოგიტყდებით და მართლაც „ძნელი ყოფილა თურმე სიბერე“, კალამი დავდე, მოვეფერე, მივუღერეს! ახლა?

კარგა ხანია თოხი და ბარი ავლევს!

დავდივარ კარ-მიდამოში...

ვსხლავ, ვთოხნი, ვბარავ, ვეფერები მინდვრის ყვავილებს...

კარის მეზობელს გაუხარდება, ჭურის ღვინოსაც დამილევს...

ეს ოთხმოცდაათი წელი ხომ შევასრულე,

უკვე „თავისუფალი ვარ ჯარიდან!“

თავს კარგად გვრძნობ იდილიურ სიმყუდროვეში!

ახლა კითხვაზე ვარ გადასული, ეს წერაზე

უფრო ადვილია!

რასაც ვამბობ ნამდვილია!

ვარ ჩემთვის „გამყრელიძეების გორაზე“, ვმუშაობ

სახსლავით, ხან თოხით, ხან ბარით...

თუ ტყუილს ვამბობდე, რაც გინდათ მითხარით.

მრავალი წელი ჩვენ ერთად, ერთ სულ და ერთ ხორც მივუყვებოდით ცხოვრების აღმართს.

მე თქვენ მიყვარდით და მიყვარხართ ახლაც!

გაზეთმა „თერჯოლამ“ ჩვენ ერთად გვატარა: ავტორ-მკითხველი, დიდი თუ პატარა!...

ჩვენ ერთად ვცდილობდით ავის და კარგის გარჩევას, უპირველესად სამშობლოს სიყვარულს ვაძლევდით არჩევანს!

მადლობას გიხდით, რომ „თერჯოლას“ ვმსახურებდით ერთად,

რომ საქმეს ჩვენსად ვედევით ერთსულ, ერთ ხორც და ერთხმად!

მადლობას გიხდით სიყვარულისთვის და გეფერებით

90 წლის იუბილარი ჟურნალისტი

ნუგზარ გამყრელიძე.

ძევრის საჯარო სკოლის მოსწავლეთა მორიგი სპექტაკლი

(მე, ბებია, ილიკო და ილარიონი)

...მანამდე უცნობი და განუმეორებელი სამყაროთი შემოვიდა ნოდარ დუმბაძე ქართულ მწერლობაში, განუმეორებელია მისი პროზა და ცისკრის ნომრებში დაბეჭდილი „მე, ბებია, ილიკო და ილარიონი“, უდიდეს სიამოვნებას ანიჭებდა მკითხველს, მისი კითხვისას გულიანად იცინოდა მკითხველი და სიცილს სევდაც ახლდა, მაგრამ ტრაგიკომიკური ორგანულად არის შერწყმული ერთმანეთთან და ასეთ შემთხვევას წინამძღვრად მაინც სიცილი ახლავს.

ნოდარ დუმბაძემ ყველაფერი თავისი მოიტიანა, თავისი სტილი, ხედვა, იუმორი, იგი არავის ჰგავს. მისი გმირები უწყინრები და კეთილები არიან, აქვთ სადა და ჯანსაღი იუმორი, თავისი ტკივილით და განცდით.

ზურიკელას, ილიკოს, ილარიონს, ბებიას მხიარული თავგადასავლებით სავსე ცხოვრებამ მიიზიდა მკითხველი. ნაწარმოებში ეპიზოდები ეპიზოდებს მისდევს, ამოუწურავია სასაცილო ეპიზოდები, მათ ცხოვრება ერთმანეთის გარეშე არ შეუძლიათ, მუდამ ენატრებათ ერთმანეთი, ერთად ყოფნის წყურვილით ცხოვრობენ, თუმცა ყოველ ხელსაყრელ ვითარებაში აქილიკავებენ ერთმანეთს. ყველა ეპიზოდი: ზურიკელას მოსწავლეობა, გაკვეთილები და სიმწიფის ატესტატი, ნადირობა, ილიკოს ჩამწყვრევა ჭურში, ომის დროინდელი სკოლა, მურადას სიკვდილი, დეპეშა, ღვინის მოპარვა, პილპილიანი თუთუნი, ილარიონის ჩასვლა თბილისში, შუშის თვალი და ილიკოსთან შეხვედრის „შიში“, დიდი სამამულო ომი, მდიდარი ადამიანური თვისებები, „ნაბადი“, „ჩექმები“, „წინდები“, ავტობიო, მერი და დიდი სიყვარული, ბებიის სიკვდილი, ანდერძის გარეშე დატოვებული ქონება, რადგან ისედაც ზურიკოსია ყველაფერი, დარიგება უკანასკნელი „არ დაკარგო წენა, ეს ორი კაცი, ამათ რომ სიკეთე აქვთ შენთვის გაკეთებული, იმას ვერ გადაიხდი და ნურც დაპირდები, ისე გიყვარდეს, როგორც მათ უყვარხარ“, მერის შემოსვლა ოთახში და ზურიკელას ფიქრი და შეგრძნება, რომ „იგი აღარ წავიდოდა და არ დამტოვებდა“.

ეს და სხვა ეპიზოდები ვიხილეთ თერჯოლის კულტურის სახლის ხალხით სავსე დარბაზში, ძევრის საჯარო სკოლის მოსწავლეთა მიერ წარმოდგენილ სპექტაკლში „მე, ბებია, ილიკო და ილარიონი“.

სპექტაკლი „მე, ბებია, ილიკო და ილარიონი“, რიგით მეათეა, რომელიც რეჟისორმა ტატო პატარიძემ დადგა და ძევრის საჯარო სკოლის მოსწავლეებმა,

მერს ბატონ მანუჩარს, საკრებულოს თავმჯდომარეს ბატონ გიას, მრავლად წარმოდგენილ მერიის თანამშრომლებს, საკრებულოს დეპუტატებს, ყველას, მოწვეულ სტუმრებს თუ მოუწვეველს, მოსწავლეებს, სკოლის პედაგოგებს, მოსწავლეთა მშობლებს, სკოლის მუდმივ სპონსორს—სკოლის ყოფილ მოსწავლეს ზვიად მეფარიძეს... სამადლობელი და საქებარი არ

ბი და ლოცვა—ღმერთო მაღალ, ღმერთო ძლიერო, დედაო ღვთისაო, წმინდაო მარიამ, არ მოაკლო შენი წყალობა ჩემს სისხლს და ხორცს, ზურიკელას და მის ნაგრამს, შენ გაუმართე ხელი გასაჭირში, შენ გაუნათე უკუნი და მიეც დღე გრძელი...

ეს ლოცვა, საერთოდ ყველას ლოცვად იქნა აღქმული. ზურიკო კი ამბობს: მერის უზომო სინათლე შემოჰყვა. ავდექი, შემოვტრიალდი, რათა დამენახა ეს სინათლე, ამ სინათლეზე ჩემი ილიკო, ჩემი ილარიონი და ჩემი ბებია...

სპექტაკლი დამთავრდა, დარბაზი ფეხზე იდგა, იყო ბევრი ტაში და მონონების შეძახილი, იხმოზდნენ რეჟისორს და მონაწილეებს... მერე ტატო გამოჩნდა, როგორც ყოველთვის მოკრძალებული იყო, ბედნიერი, ალბათ ამაყიც, „ჩვენ ვიმუშავეთ, რაც გამოვიდა, ხედავთ, წელს დიდი ძალა მიდის სკოლიდან, მაგრამ მოდის სხვა თაობა, სამწუხაროა, რომ XII კლასელთაგან ვინც სპექტაკლში იყო დასაქმებული და წარმატებულადაც, თეატრალურზე არავენ აბარებს, არადა შეუძლიათ. მადლობა პედაგოგიურ კოლექტივს, ბატონ მანუჩარ ფანჩულიძეს, სპონსორს, მერიას, საკრებულოს, საგანმანათლებლო რესურსცენტს, მოსწავლეთა მშობლებს და თქვენ, მაყურებლებო“. ტატომ აღმასწარმოვლოცა დამსწრეთ ნდვამის დღესასწაული, მშვიდობა ისურვა და მანუჩარ რობაქიძის მისამართით თქვა—სიკეთეს ღმერთი დაგიბრუნებთო.

სიტყვებით გამოვიდნენ და სპექტაკლი შეაფასეს: საკრებულოს თავმჯდომარემ ვია ბარათაშვილმა, მუნიციპალიტეტის



მერმა მანუჩარ რობაქიძემ. რესურსცენტრის ხელმძღვანელმა ქეთევან შეყრილაძემ, სამხედრო აღრიცხვისა და რეკრუტირების სამსახურის ხელმძღვანელმა ვასილ ტყემელაშვილმა, ისმოდა სიტყვები: „კარგები ხართ, აღფრთოვანებული ვარ, საამაყო თაობა მოდის, ნამდვილი არტისტები ხართ, გვაცინეთ, გვატირეთ, თქვენ ერთიანი გუნდი ხართ, იშვიათია ასეთი მსმენელი, არაჩვეულებრივი სპექტაკლი, არაჩვეულებრივი რეჟისორი, ძლიერი სკოლა, ძლიერი ხელმძღვანელი, ბევრს შემურდება ის, რაც ერთი სკოლის ბაზაზე ვიხილეთ, ყველა სკოლას აქვს ბაზა, კარგი იქნება ერთი მუნიციპალური თე-

ატრი და სხვა „ათასი“ თბილი სიტყვა ითქვა.

სპექტაკლს ესწრებოდნენ: იმერეთის სახელმწიფო რწმუნებულის აპარატის რეგიონებთან ურთიერთობის სამსახურის ხელმძღვანელი დავით გორდელაძე, ოლიმპიური კომიტეტის იმერეთის ხელმძღვანელი რევაზ რობაქიძე, რომლებმაც მაღალი შეფასება მისცეს სპექტაკლს, ქება და სამადლობელი არ დაიშურეს.

მერიის კულტურის, სპორტისა და ახალგაზრდულ საქმეთა სამსახურის უფროსი მაკა ასათიანი, სკოლის დირექტორმა რამდენჯერმე ახსენა, მადლობა გადაუხადა დახმარებისათვის, ხელის შეწყობისთვის.




სპექტაკლი ფრანგული სიტყვაა, რომელიც ფართოდ არის დამკვიდრებული, ქართულად სიტყვა-სიტყვით იგი თეატრალურ წარმოდგენას ნიშნავს. მე, ბებია, ილიკო და ილარიონი იყო ნამდვილი წარმოდგენა მშვენიერი მოთხრობის. ამ წარმოდგენის „წარმოდგენა“ არ გამოდგა ადვილი. ეს სპექტაკლი უნდა ნახო!

მუნიციპალიტეტის მერი, ბატონი მანუჩარი, რომელმაც, ისე, როგორც ყველამ, მაღალ დონეზე შეაფასა სპექტაკლი, მადლობა გადაუხადა სკოლას, რეჟისორს, მოსწავლეებს, სპექტაკლის მონაწილეებს სასურველი ექსკურსიის დაფინანსებას დაპირდა... და გაიხარეს ძევრელებმა.

სპექტაკლში მონაწილენი: ზურიკო—ვოვა ფანჩულიძე, ოლა ბებია—ნინო მეფარიძე, ილიკო—ავთო ყურაშვილი, ილარიონი—გიორგი ფხალაძე, მერი—ბარბარე კალატოზი, ექიმი—გუგა ხუბულავა, რომელი—მათე ხოსიაშვილი, მასწავლებელი—თაქო ხეცაძე, მოსწავლეები: გიორგი ხეცაძე, გიორგი ფანჩულიძე, ნინო მაღლაკელიძე.

განათებაზე მუშაობდა საბა მეფარიძე, სპექტაკლს მუსიკალურად აფორმებდა გიორგი გოგოლაძე.

შუშუნა ცხადაძე



როგორც ყოველთვის უნაკლოდ შეასრულეს, თითქოს პროფესიონალები, დიდ სცენაზე მოღვაწე მსახიობები იდგნენ სცენაზე.

დათქმულ დროზე ადრე გაივსო დარბაზი, შემოიტანეს სკამები, ისხდნენ ძირს, საფეხურებზე, მაგრამ მაინც დარჩნენ ფეხზე მდგარი ელ ფოიეშიც, ყველა ინტერესით ელოდა სპექტაკლის დაწყებას, იყო მოლოდინი როგორი იქნებოდა სპექტაკლი ამჯერად.

როგორც სწვევია, ძევრის სკოლის დირექტორმა მანუჩარ ფანჩულიძემ მოკლე სიტყვით მიმართა დამსწრეთ, მადლობა უთხრა მუნიციპალიტეტის

დაიშურა რეჟისორ ტატო პატარიძისადმი, თქვა, რომ მან შეასრულა თხოვნაც და დანაპირებიც, განხორციელდა სპექტაკლი „მე, ბებია, ილიკო და ილარიონი“, რომ ამჯერად სცენა ეთმობა—იუმორს.

სცენაზე ვიხილეთ ზურიკელა, ილიკო, ილარიონი. ბებია, მერი, მასწავლებელი, ექიმი, ავტობიო, სკოლის მოსწავლეები, ყველას მორგებული ჰქონდა თავისი როლი, გათვლილი იყო ყველა დეტალი. იყო სიცილი, სევდა ბებიის გარდაცვალების გამო და დასამახსოვრებელი, ჭკუის დარიგება და შეგონება, ცისკენ აპყრობილი ხელე-

საქართველოს კათოლიკოს-პატრიარქის სააღდგომო ეპისტოლე

1

აღთქმაში ხშირად იხსენიება შემოქმედის) რწმენა განსაკუთრებით დიდი იყო რჩეულ ერში; მძიმე და დაძაბუნებულ მდგომარეობაშიც კი, ამ წიაღში საუკუნეთა მანძილზე ჩნდებოდნენ ღვთისსათნო და რჩეული პიროვნებები, რომლებიც ზეცისკენ მიმავალ გზას უჩვენებდნენ ხალხს.

ისინი იმ იმედით იყვნენ აღვსილნი, რომ შემოქმედი არ დაუშვებდა მუდმივ დასჯილობაში ცხოვრებასა და სიკვდილს და დაგვიბრუნებდა დასაბამისეულ პატივს.

ამიტომაც, გულდასმით იძიებდნენ სამოთხისეული მდგომარეობის დაკარგვის მიზეზებს და საზოგადოებაში მარადიული ღირებულებების განმტკიცებისთვის ძალისხმევას არ იშურებდნენ; ამასთან, ღვთისსათნო ცხოვრების მაგალითის, პირველ რიგში, თვითონ იძლეოდნენ.

მაცხოვარმა დედამიწაზე იმ წყევლის ქვეშ იცხოვრა, რაც ადამის მოდგმამ ცოდვის გამო დაიმსახურა. თავად ყოვლად უცოდველმა იბერიტა უბრალო ადამიანის ყოფა, დაიბადა რა ხუროს ოჯახში, რომელიც ყოველდღიური შრომით მოიპოვებდა სარჩოს. ამასთან, განკაცებული უფალი თავისი ნებით ითმენდა ტკივილს, შიმშილს, დაღლას ... შემდეგ კი, - უმადურობას, სიცრუეს, ცილისწამებას, შეურაცხყოფას, ღალატს ...

როგორი წარმოდგენელია, რომ ღმერთი შენს გვერდით, შენი ცხოვრებით ცხოვრობს; უცოდველი ცოდვითა შორის ჩვენს მძიმე ხვედრს ტვირთულობს, რათა მოგცეს მაგალითი რწმენის, სიმინდის, დათმენის, სიკეთის, სიყვარულის ... და რეალურად დაგვანახოს, როგორი უნდა იყოს ადამიანი.

30 წლის იესო უცხადებს კაცობრიობას, რომ აღსრულდა საუკუნეთა მოლოდინი, განკაცდა მსხნელი, რათა შემოქმედი დაეხმაროს თავის ქმნილებას და ჩვენითვის ყოველი კეთილი შემადგენელი გახადოს.

ამასთან, ხილული სასწაულებით უფალი მრავალგზის ამოწმებს, რომ აქვს ძალმოსილება, განკურნოს ნებისმიერი უძლეურება და სნეულება, გაათავისუფლოს ადამიანები ბოროტი სულებისგან, აზიაროს ისინი ღვთის სიბრძნეს; რომ მხოლოდ მას შესწევს ძალა, დაამყაროს მშვიდობა, დაამარცხოს თვით სიკვდილი და აღადგინოს მკვდრები... მაგრამ ღვთის რჩეული ერის დიდი ნაწილი და მისი სულიერი წინამძღოლი საბოლოოდ მაინც უგრძნობნი დარჩნენ უფლის მოწოდების მიმართ, ზურგი აქციეს ცხოვრების წინამძღვარს და მისი დასჯა მოითხოვეს.

იგივე მოხდა ყველაზე ძლიერ და, ფაქტობრივად, იმ დროის ყველაზე წარმატებულ სახელმწიფოშიც, - რომის იმპერიაში, რომლის ნაწილსაც ისრაელი მაშინ წარმოადგენდა. რომმა ღვთის სიბრძნეს და სამარ-

თალს თავისი იურიდიული კანონები შეაგება. აქ კი წესად ჰქონდათ: იმბაგან, რომელნიც არ იყვნენ რომის მოქალაქენი, თუკი ვინმე იმპეროლ ღირებულებებთან და მისწრაფებებთან შეუთავსებელი იქნებოდა, თუნდაც იგი ჭეშმარიტების მქადაგებელი ყოფილიყო, ყველაზე დამამცირებელ სასჯელს უქვემდებარებდნენ - ჯვარზე აკრავდნენ. ჯვარი წარმოადგენდა სიმბოლურ სახეს იმისას, რაც სიბნელეს, უმეცრებას, ბოროტებას უკავშირდებოდა და, მათი აზრით, სიკეთისა და ცივილიზაციის მტრობას ნიშნავდა.

მაშინ ზეციური ძალები შეძრწუნდნენ, ანგელოზები განცვიფრდნენ, სტიქიონები შეირყა, მთელი ქმნილება შეიძრა, მზე განერიდა, ქვეყანა სიბნელეში მოიკცა, კრეტსაბმელი განიო, ანგელოზმა ტაძარი დატოვა ... (წმ. კირილე ალექსანდრიელი).

მაგრამ როგორ უპასუხა უფალმა ამ ენითაუნერელ დანაშაულს? გამაოგნებლად! მოუთხრობელი დათმენით, სიბრალულობითა და სიყვარულით.

მან მორჩილად და უდრტინეულად მიიღო განაჩენი და არ შეენიანაღდეგა. არ გამოიყენა ღვთიური ძალა და არ გასცდა ადამიანური შესაძლებლობების ფარგლებს, რათა მთავარი მიზანი ბოლომდე აღესრულებინა, - თავისი ყოვლადუცოდველი კაცობრივი სულის ღმრთეებრივი ძალმოსილებით ჯოჯოხეთი დაეთრავუნა და სიკვდილი შეემუსრა, ბოროტი ძალისთვის გამანადგურებელი დარტყმა მიეყენებინა და მართალთათვის ცათა სასუფეველს გზა გაეკვალა.

უფლის ჯვარცმით კაცობრიობამ განაჩენი არა მარტო იესო ქრისტეს გამოუტანა, არამედ საკუთარ თავსაც, რადგან ამიერიდან ქრისტეს მიმდევართათვის ხსნა სულიერ ჯვარცმას დაუკავშირდა.

რა თქმა უნდა, მძიმე ეს გზა, ეს ჯვარი, მაგრამ, ამასთან, მადლმოსილი იგი და მიმზიდველი, ერთადერთია და გადამრჩენელი; ამიტომაც ჰყავს ქრისტეს ეკლესიას ჩვენთვის ცნობილი თუ უცნობი აძლენი წმინდანი და ერთგული შვილი.

როდესაც ჩვენი მინიერი ყოფა შენც უსამართლოდ დაგამცირებს, შეურაცხეყოფს და გაგრიყავს, რადგან ჭეშმარიტებას ეძიებ და უარს ამბობ ცოდვილ კეთილდღეობაზე, იცოდე, ამით სოფელი აცხადებს, რომ შენ მისი არ ხარ; ეს კი ნიშნავს იმას, რომ შენ უფლისა ხარ; ანუ იმ ჯვრის მტვირთველი ხარ, რომელიც ქრისტეს მიმდევართათვის იქცა სამართლიანობის, ერთგულების, ღირსების, სიკეთის, ჭეშმარიტების ხატად და მარადიული სიცოცხლის ნიშნად.

მაცხოვარი გვიხმობს ყველას და განგვამტკიცებს: „განსაცდელი გექნებათ ამქვეყნად, მაგრამ გამხსნედი, მე ვძლიერ სოფელს“ (ინ.16,33) და „თქვენთანა ვარ, დღემუდამ, ვიდრე აღსასრულამდე ქვეყნისა“ (მთ.28,20) ... „დაიცავით ჩემი მცნებები და რასაც ითხოვთ ჩემი სახელით, შეგის-

რულდებათ“, (ინ.14;15,13) ოღონდ, როგორც „მე შეგიყვარეთ თქვენ, ასევე თქვენც გიყვარდეთ ერთმანეთი“ (ინ.13,34).

დღეს მსოფლიოში მრავალგვარი რთული პროცესი მიმდინარეობს; დროც, თითქოს, დაჩქარდა; მოვლენებიც და შეხედულებებიც სწრაფად იცვლება; დაპირისპირებულობა, არასტაბილურობა, ეკოლოგიური პრობლემები, მუდმივი სტრესი, ომები ... ჩვენს საერთო რეალობად იქცა. მშვიდობის მოსურნეთა მონდომება დღია, თუმცა შედეგის მიღწევა იოლად არ ხდება ...

ღმერთმა დალოცოს მშვიდობის-მყოფელნი, ღმერთმა მშვიდობით აკურთხოს მსოფლიო!

არსებულმა ვითარებამ ყველა უფრო მეტად უნდა დააფიქროს სიცოცხლის არსზე და მარადიულ ღირებულებებზე.

ჩვენ მარადიული ნეტარებისთვის ვართ შექმნილნი; აქ, ამქვეყნიურ ყო-



ფაში, კი დროებითი და წარუვალის, მინის და ზეცის კავშირით უნდა ვიცხოვროთ, მაგრამ სწრაფვა მარადიულობასთან სიახლოვისკენ, მუდამ უნდა გვექონდეს, რაც პირველ რიგში ეკლესიის საშუალებით მიიღწევა.

მხოლოდ ეკლესია გვიცხადებს სიცოცხლის ნამდვილ მიზანს, გვახედებს ჩვენს სულში და სიკეთისა და ბოროტების გარჩევის ყველაზე ჭეშმარიტ და სწორ შესაძლებლობას გვთავაზობს. ის არ გვთხოვს შეუძლებელს; პირიქით, გვიხმობს ჩვენი სისუსტეებით და მათ დასაძლევად ძალას გვაძლევს. ის გულში გვიკრავს, მაგრამ უკეთურ ქმედებას არ მოგვიწოდებს. ამასთან, ჩვენს სულიერ და შინაგან ძალებს განამტკიცებს და ყველაზე რთულ ვითარებაშიც იმედს არ გვაკარგვინებს.

საეკლესიო დღესასწაულთა შორის ყველაზე გამორჩეული ადგილი აღდგომას აქვს, რადგან სწორედ იგია წინასახე ზეციურ უხრწნელებაში ჩვენთვის მარადიული სიცოცხლის მონიჭებისა.

რას ნიშნავს ეს?

როდესაც ჩვენ გვიმოხმობს უფლის აღდგომას, ამავე დროს, ვდღესასწაულობთ უხრწნელი სხეულით ჩვენს მომავალ დამკვიდრებას ცათა შინა. იესო ქრისტემ მოგვცა მაგალითი როგორც ამქვეყნად სწორად ცხოვრებისა, ისე გვიჩვენა მისი შედეგიც, - სასუფეველში მართალთა დამკვიდრებისა.

კაცობრიობის საყოველთაო აღდგომის რწმენა არის ქვაკუთხედი ქრისტიანული აზროვნებისა; ვისაც ეს არ სწამს და თავს მაინც ქრისტიანად თვლის, ძალიან ცდება და, სინამდვილეში, მაცხოვრებელ ჭეშმარიტებასთან საერთო არაფერი აქვს, რადგან, როგორც პავლე მოციქული ბრძანებს, „თუ მკვდრები არ აღდგებიან, არც ქრისტე აღმდგარა და ... თუ ქრისტე არ აღმდგარა, ფუჭია ჩვენი ქადაგებაც და ჩვენი რწმენაც“ (1 კორ.15.16,14).

სწორედ რწმენა მარადიულ ნეტარებაში დაბრუნებისა, აძლევს აზრს ჩვენი ყოფის იმ წესს, რაც უფალმა გვასწავლა და გულისხმობს: სხვათაგან მსახურებას, თავმდაბლობას, დათმენას, თანაგრძნობას, თანადგომას, ზნეობრიობას, მშვიდობისმყოფელობას, გულის სიმინდეს, სულის სიმტკიცეს, უშურველობას, თავდადებას.

ჯვარცმის შემდეგ ისინი, რომლებიც საფლავთაგან აღდგნენ, გახდნენ პირველი მქადაგებელნი ქრისტეს აღდგომისა. და როგორ არ დაიჯერებდნენ აღდგომის სასწაულს ისინი, რომლებიც საკუთარი თვალთა ხედავდნენ გახსნილ სამარეებს და ისმენდნენ საფლავთაგან გამოსულთა ქადაგებას?!

როგორ არ დაიჯერებდნენ აღდგომის სასწაულს შენელსაცხებულ დედები და მონათევები, როცა 40 დღის განმავლობაში ჰქონდათ ურთიერთობა უხრწნელი სხეულით აღმდგარ უფალთან და მისგან დარიგებებს კვლავ იღებდნენ?!

როგორ არ დაიჯერებდნენ მომხდარს იესო ქრისტეს ასობით სხვა თვითმხილველნიც და მისი ცად ამაღლების მოწმენი?!

ეს ურყევი რწმენა და უფლის სწავლებანი შინაგანად სულიერად განბრძნობილმა და განმტკიცებულმა მოციქულებმა და ეკლესიამ მთელ ქვეყანაზე განავრცეს.

წმ. ფერემა ასური წერს: „მკვდართა აღდგომისას მინა უკან აბრუნებს ადამიანს ისეთივეს, როგორიც იყო; იმათაც, ვინც ზღვამ შთანთქა, ვინც მხეცებმა და ფრინველებმა შეჭამეს, ვინც ცეცხლში დაიწვა ... აქ ერთმანეთის უნახავნი, იქ იხილავენ ერთერთს; დედა იცნობს, რომ ეს მისი შვილია, და შვილი იცნობს, რომ ეს მისი დედაა ... ამასთან, თითოეულის სხეული თავის საქმეებს აჩვენებს, რადგან თითოეული ჩვენგანი ამ საქმეებს საკუთარი სხეულით ატარებს და ყველას შესაბამისად მიეგება საზღაურა“.

ადამიანი არ არის ცალკე არც სული და არც სხეული, არამედ - მათი ერთობა. ასე შეიქმნა იგი თავიდანვე; ამ ერთობას არღვევს სიკვდილი, რაც ცოდვის შედეგია; აღდგომით ჩვენი განახლებული სხეული და სული კვლავ შეერთდება და ღირსათათვის სამოთხისეული მდგომარეობა უფრო

აღმატებული სახით დაბრუნდება.

ეს კი მეორედ მოსვლის შემდეგ აღესრულება, როცა შეიქმნება ახალი მინა, ახალი ცა, სიკვდილი სრულად განქარდება და მარადისობაშიც ჩვენი საბოლოო დამკვიდრება მოხდება.

მაგრამ ვიდრე არ დამდგარა ჟამთა აღსასრული და გარდაცვლილთა სულები თავისი უხრწნელი სხეულით შემოსვის მოლოდინში არიან, ვიდრე შესაძლებელია როგორც საკუთარი თავის, ოჯახის წევრებისა და სხვათაგან, ასევე, იმქვეყნად წასულ ჩვენს ახლობელთათვის ლოცვა და სიკეთის ქმნა, ადამიანთა გამოსხნის პროცესი ბოლომდე დასრულებული არ არის.

გვეყვარა ეს თუ არ გვეყვარა, გვსურს ეს თუ არა, რეალობა ერთია, - ჩვენი არსებობა ამ წუთისოვლით არ მთავრდება.

ამქვეყნად აღვასრულებთ არსებობის იმ სახეს, რაც გარდაცვალების შემდეგ ჩვენს მომავალ ცხოვრებას განაპირობებს. ასე რომ, ჩვენი ყოველდღიური მოქმედებით, აზროვნებითა და მეტყველებით, ჩვენ თვითონ ვძირწვანთ, ჩვენ თვითონ ვქმნით ჩვენს მარადიულობას, - კარგს ან ცუდს.

და როგორც სამოთხეში, ისე აქაც, დედამიწაზე, ჩვენზეა დამოკიდებული, რას ავირჩევთ მიზნად: სიკეთეს თუ ბოროტებას, სიცოცხლეს - თუ სიკვდილს?

აირჩიე სიკეთე და სიცოცხლე! ამით დამტკიცებ, რომ აფასებ ღვთის სიყვარულსა და მსხვერპლს შენს გადსარჩენად გაღებული და აფასებ საკუთარ სიცოცხლეს, - შემოქმედის უღიდვს წყალობას შენდამი.

განიძარცვე სამოსელი გლოვისა შენისაი და შეიმოსე სამკაული სიხარულისა შენისაი, ქალაქო წმიდაო, რამეთუ „აჲა ესერა მწუხრსა განისუენა ტირილმან და ცისკარსა მას მოინია სიხარული აღდგომისაი“ (მელეტი ანტიოქიელი).

აღდგომისმა მაცხოვარმა თქვენც მოგმადლოთ სიხარული! ყოვლადწმინდა ღვთისმშობლის მეოხებით, ყოვლადწმინდა სამებას დაგლოცოთ, სულიერად განგამტკიცოთ და განგაძლიეროთ თითოეული თქვენგანი!

მუდამ გახსოვდეთ, აღდგომა არის მარადიულობის იმედი და მწუხარების განქარვების დღე, აღდგომა მტრობის დამარცხება, შურზე, ბოროტებაზე და სიკვდილზე გამარჯვება; აღდგომა პატიება, გამოსყიდვა და სიხარული; აღდგომა სიყვარულის ზეიმი და შესაძლებლობა საუფლო სხეულში ყველას განახლებისა და ქრისტეში გაერთიანებისა.

ქრისტე აღდგა!

ჭეშმარიტად აღდგა!

თქვენთვის მლოცველი,
ილია II,
სრულიად საქართველოს
კათოლიკოს-პატრიარქი,
თბილისი, აღდგომა ქრისტესი,
2025 წ.

ჭადრაკი

14-17 მარტს ქ. ფოთში გაიმართა საქართველოს ჩემპიონატის დასავლეთ ზონის I ლიგა 8, 10 და 12 წლამდე ჭაბუკთა და გოგონათა შორის. ორგანიზატორი: საქართველოს ჭადრაკის ფედერაცია, ფოთის საქადრაკო კლუბი „ნანა“, ტურნირის დირექტორი საერთაშორისო ორგანიზატორი დათო კოდუა. ტურნირში მონაწილეობდა ფოთის, ქუთაისის, ბათუმის, ზუგდიდის, ოზურგეთის, ლანჩხუთის, სენაკის, ხობის, თერჯოლის 100-მდე მოჭადრაკე. ჩემპიონატზე I-V ადგილზე გასულმა მოჭადრაკეებმა მოიპოვეს საქართველოს შესაბამისი ასაკის უმაღლესი ლიგის საგზურები. კარგი შედეგები აჩვენეს თერჯოლის სპორტული სკოლის ჭადრაკის წრის მოსწავლეებმა. 10 წლამდე გოგონათა შორის მე-3 საპრიზო ადგილი დაიკავა ბარბარე

მაკარიძემ (თერჯოლის №2 საჯარო სკოლა), ასევე 12 წლამდე ჭაბუკთა შორის მე-4 ადგილი დაიკავა გეგა გაბრიჭიძემ (თერჯოლის №2 საჯარო სკოლა). მწვრთნელი ეროვნული ოსტატობის კანდიდატი მერი ჩაფიჩაძე. ორივე მოჭადრაკემ მოიპოვა საქართველოს ჩემპიონატის უმაღლესი ლიგის საგზური, რომელიც გაიმართება 5-14 მაისს ქ. ბათუმში.

5-11 აპრილი იმერეთის ღია საკვალიფიკაციო ტურნირი ჭადრაკში უთანრიგო, მე-5, მე-4 და მე-3 თანრიგოსან ჭაბუკთა და გოგონათა შორის ქ. ქუთაისი. 2025 წელი.

ტურნირზე მონაწილეობას იღებდა იმერეთის რეგიონის 300-მდე მოჭადრაკე, მათ შორის თერჯოლის სპორტული სკოლის ჭადრაკის წრის 20 მოსწავლე სხვადასხვა კატეგორიაში (მწვრთნელი მერი ჩაფიჩაძე). მათ წარმატებით იასპარეზეს. მე-3 თანრიგოსან ჭაბუკთა შორის მე-2 საპრიზო ადგილი და მე-2 თანრიგი მოიპოვა ტა-

რიელ ჩიტიძემ (ახალთერჯოლის საჯარო სკოლა), რომელიც დაჯილდოვდა, იმერეთის ჭადრაკის ფედერაციის მიერ შესაბამისი ხარისხის დიპლომით და ვერცხლის მედლით, მან 7 შესაძლებლობიდან მოიპოვა 5 ½ ქულა, ტურნირი ჩაატარა ნაგების გარეშე.

სპორტული საქადრაკო თანრიგები მიენიჭათ შემდეგ მოჭადრაკეებს:

ლაზარე ქარქაშაძეს მე-5 თანრიგი (თერჯოლის №2 საჯარო სკოლა).

ანდრია რობაქიძეს მე-5 თანრიგი (ჩხარის №1 საჯარო სკოლა).

ანდრია აბესაძეს მე-5 თანრიგი (თერჯოლის №2 საჯარო სკოლა).

გვანცა მორალიშვილს მე-4 თანრიგი (თერჯოლის №2 საჯარო სკოლა).

ასევე თანრიგის ნორმატივები მოიპოვეს მოჭადრაკეებმა სხვადასხვა კატეგორიაში: ნიკოლოზ კალანდარიშვილმა (კერძო სკოლა „მზეკაბანი“).

ნოდარ ქარქაშაძემ (ჩხარის №1 საჯარო სკოლა).

ლევან კირკიტაძემ (კერძო სკოლა „მზეკაბანი“).

ჯემალ ბუსკივაძემ (ღვანკითის საჯარო სკოლა).

ბარბარე მაკარიძემ (თერჯოლის №2 საჯარო სკოლა).

მართა კუტალაძემ (თერჯოლის №2 საჯარო სკოლა).

6 წლამდე ჭაბუკებში წარმატებით გამოვიდა და 7 შესაძლებლობიდან 3 მოგება იზეიმა თერჯოლელ მოსწავლეთა შორის ყველაზე პატარა მოჭადრაკემ, ბაღის მოსწავლემ იოანე მემანიშვილმა, რომელიც არის 5 წლის.

გამარჯვებული მოჭადრაკეები დააჯილდოვა იმერეთის ჭადრაკის ფედერაციის პრეზიდენტმა, პარლამენტის წევრმა ზაზა ლომინაძემ.

ეს ჩვენი ისტორიაა

გოგნი—სალოცავების სოფელი

1

გოგნი ისტორიული სოფელია იმერეთში, თერჯოლის მუნიციპალიტეტში. წყაროებში პირველად 1187 წელსაა მოხსენიებული თამარ მეფის გელათისადმი შეწირულობის სიგელში, რომელშიც გოგნის ციხე და ციხისთავი ჩანს (ქართული ... 1984: 79). მდებარეობს იმერეთ-არგვეთის სერზე, მდინარე ქვერუნის ხეობაში, ზღვის დონიდან 500 მეტრზე, თერჯოლიდან 12 კმ-ის დაშორებით. სოფელში, რომელიც ქართულ ქრისტიანულ სამყაროში ცნობილია სასწაულმოქმედი გოგნის წმ. გიორგის („კარუგდებელის“) სალოცავით, სხვა ისტორიული ძეგლებიცაა, მათ შორის მონასტრის ნაშთები, იგი ზოგ დოკუმენტში გოგნის უდაბნოს სახელით მოიხსენიება.

ამ მონასტრის ისტორიაში, რომელიც ფაქტობრივად დღემდე შეუსწავლელია, შეიძლება პირობითად სამი ეტაპი გამოვყოთ: პირველი დაარსებიდან, ანუ 1778 წლიდან დროებით გაუქმებამდე - ოფიციალურად 1837 წლამდე, ფაქტობრივად 1839 წლამდე, მეორე 1842 წლიდან 1852 წლამდე - პირველი განახლების პერიოდი და მესამე, მეორე განახლების პერიოდი - 1855 წლიდან საბოლოო გაუქმებამდე - 1861 წლამდე.

გოგნის მონასტრის დაარსება უკავშირდება იმერეთის მეფე სოლომონ I-ის მეუღლეს - მარიამ დედოფალს.

1778 წლის 1 თებერვლით დათარიღებულ მარიამ დედოფლის შეწირულობის წიგნში, როგორც საქართველო-იმერეთის სინოდალური კანტორის სარეგისტრაციო ჩანაწერიდან ჩანს, მან თავისი მეუღლის, მეფე სოლომონ პირველის ნებართვითა და თანხმობით კათალიკოსისა და მღვდელთმთავართა „ადგილი გოგნისა შექმნა მონასტრად და აღაშენა ეკლესია ქვითკირისა სახელსა ზედა ყდ წის მიძინებისა, და დაადგინა მას ზედა წინამძღვარი და ძმები და გამოსაზრდელად მათდა შესწირა ამ მონასტერსა ყმანი და მამულნი“ (ქ.ც.ა. ფ.21 ან.1 ს.3101 ფ.107).

საბუთის შინაარსს უფრო დეტალურად ქვემოთ განვიხილავთ, მანამდე კი აღვნიშნავთ - მასში მოთხრობილი ამბები უფლებას გვაძლევს დავასკვნათ, რომ საბუთის შედგენისას - 1778 წლის 1 თებერვლისთვის - მონასტერი უკვე მოქმედია და ეკლესიაც ნაკურთხია, ანუ ამ დოკუმენტით არსებული ფაქტი ოფიციალურად გაფორმდა, რასაც წინ, სავარაუდოდ, სააღმშენებლო (მოსამზადებელი) რამდენიმე წელი უძღოდა.

გოგნის მონასტრის ისტორიის შესასწავლად ამ სიგელთან ერთად მნიშვნელოვანია სხვადასხვა პერიოდის კიდევ 10 სიგელ-გუჯარი, რომლებიც გოგნის მონასტერს ეკუთვნოდა და 1845 წლის მდგომარეობით ზემოთ ნახსენებ საქართველო-იმერეთის სინოდალური კანტორის რეესტრშია შეტანილი, მათი ნაწილი ჩვენამდე მხოლოდ ამ სახით არის მოღწეული. (დანერვილებით აღნიშნულ სიგელ-გუჯარებში და წერილის სრული ტექსტი იხილეთ პირველი გვერდის შესავალში მითითებულ ინტერნეტ მისამართზე).

დოკუმენტებში, რომლებიც მოიცავს 1778 წლის 1 თებერვლიდან - მონასტრის დაარსებიდან 1818 წლის 21 ოქტომბრის ჩათვლით პერიოდს, ძირითადად

გოგნის მონასტრისთვის მამულებისა და ყმების შეწირულობაზეა საუბარი, რაც მონასტრის საერთო ქონებრივი მდგომარეობის აღდგენის საშუალებას იძლევა, ისევე როგორც შემდგომი პერიოდის დოკუმენტები მონასტრის ზოგადი ისტორიის აღწერისას. ამის შემდგომი პერიოდის დოკუმენტებიც საკმაოდ დაცული, რაც საშუალებას გვაძლევს ზოგად ხაზებში აღვადგინოთ მონასტრის ისტორია მონასტრის თითოეული წინამძღვრის მოღვაწეობის ფონზე. აღვნიშნავთ, რომ წინამძღვართა ქრონოლოგიური რიგი ჩვენი კვლევით ასეთია:

1778-1780-იანი წლები - დანიელი (მაჭავარიანი - ჩვენთვის ცნობილ დოკუმენტებში უკანასკნელად იხსენიება 1782 წლის მაისში - ს.ც.ა. ფ.1448 ან.1 ს.1057).

1780-იანი წლები - 1814 წელი - ილუმენი მოცე (მხეიძე - ჩვენთვის ცნობილ დოკუმენტებში პირველად იხსენიება 1789 წლის იანვარში - ს.ც.ა. ფ.1448 ან.1 ს.2258).

1814-19.02.1831 წწ. - ილუმენი იოანე (მხეიძე).

3.05.1831 - 6.12.1838 წწ. - მღვდელ-მონაზონი იოსები (ბაქრაძე).

1838-1856 წწ. - წინამძღვარი არ დასტურდება.

10.05.1856 - 7.02.1862 წწ. - მღვდელ-მონაზონი ანტონი (ჯიხვაშვილი).

დოკუმენტებით დასტურდება, რომ გოგნის მონასტრის პირველი წინამძღვარი გახლდათ დანიელ მაჭავარიანი, 1778 წლიდან 1780-იანი წლების შუა პერიოდამდე (ს.ც.ა. ფ.1448, ს.1057).

XIX საუკუნის 20-იანი წლების გოგნის მონასტრის (უდაბნო) შესახებ საინტერესო ცნობებია დაცული 1826 წელს მოსკოვში გამოცემულ წიგნში „საქართველოს ეკლესიის იერარქია“, რომელშიც აღნიშნულია, რომ გოგნის უდაბნო გელათის მონასტერზეა მიწერილი (ე.ი. იმ დროსაც, 1825 წელს, გელათის მონასტერს ექვემდებარებოდა, როგორც ჩანს გათვალისწინებული იყო გელათის მონასტრის წინამძღვრის, არქიმანდრიტ ნიკოლოზის 1821 წლის 1 იანვრით დათარიღებული თხოვნა საქართველოს ეგზარქოსის, მიტროპოლიტ თეოფილაქტესადმი გოგნის უდაბნოს გელათის მონასტრისადმი მიწერაზე - მ.კ. (ს.ც.ა. ფ. 489 ან. 1 ს. 2018 ფ. 431. ფ. 488 ან. 1 ს. 357 ფ. 109)). უდაბნოს ტერიტორია გაღავნით იყო შემოზღუდული, რომელშიც 2 (!) ქვითკირის ეკლესია იდგა ღვთისმშობლის მიძინების სახელზე, ასევე წინამძღვრის ხის სახლი და ხის 7 სენა-

კი ბერებისთვის. იმ დროს უდაბნოში ცხოვრობდა წინამძღვარი იოანე, 3 მღვდელ-მონაზონი და 1 ბერ-დიაკონი. უდაბნო ნივთ-სამკაულით ღარიბი იყო, თუმცა საკმაო რაოდენობით ჰქონდა სახნავ-სათესი მიწა და ტყის ნაკვეთი (История ... 1826: 56).

1857 წელს მონასტრის ყმათა რიცხვი 67 კომლს შეადგენდა არსენიძეების, შარვაძეების, ბეშკენაძეების, ნიქრიძეების, კუპატაძეების, ტოფაძეების, გელაძეების, ცირეკიძეების, რიჭაშაძეების, ქათამაძეების, ისაკაძეების, ჯიშიაშვილებისა და რობაქიძეების გვარიდან. ისინი ერთ-ერთ წერილში იმერეთის ეპისკოპოს გერმანეს სთხოვდნენ, რომ არ განხილულიყო ახლად განახლებული გოგნის მონასტრის გაუქმების საკითხი, რაზეც შესაბამისი დასაბუთებული მსჯელობაც აქვთ მონასტრის ისტორიის ფონზე, კერძოდ, აღნიშნავენ, რომ გელათის მონასტრის ყოფილ წინამძღვრებს, არქიმანდრიტებს - ნიკოლოზსა და სიმონს - მოუხერხებიათ და გოგნის მონასტერი მიუწერიათ თავისი მდიდარი ადგილ-მამულიანად და ჩინებული საეკლესიო ნივთ-სამკაულით გელათის მონასტრისთვის. სულ მალე კი საერთოდ გაუქმებულია.

იმერეთის ეპარქიის დროებით მმართველ ეპისკოპოს ნიკიფორეს დროს მონასტერი განუახლებიათ და მასში კრებულებიც დაუყენებიათ, მაგრამ სულ მალე ისევ გაუქმებულა. შემდეგ ეპისკოპოს ექვთიმეს განუახლებია, რისთვისაც გელათის მონასტრიდან მღვდელ-მონაზონი ანტონი საკუთარი ხელფასით გადაუყვანია, რომელსაც იქ ბევრი უღვანია, რის შედეგადაც იქ მყოფ ძმებს შეეძლო შედარებით თავისუფალი და უზრუნველი ცხოვრება ჰქონოდათ, მაგრამ შემდგომ მისთვის ხელფასი გაუქმებულია, რასაც, სავარაუდოდ, მონასტრის გაუქმებაც მოჰყვებოდა. სთხოვენ ეპისკოპოსს, რომ ეს არ მოხდეს და აღუთქვამენ, რომ ყოველ ღონისძიებას იხმარდნენ კრებულის შესანახად (ქ.ც.ა. ფ.21 ან.1 ს.6470 ფ.4-5).

გოგნის უდაბნოს კუთვნილ გლეხთა თხოვნას - კერძოდ, აღედგინათ გოგნის მონასტერი შტაბების დაწესებით - საქართველო-იმერეთის სინოდალურმა კანტორამ უარით უპასუხა, რის მიზეზადაც მონაზონთა სიმცირე და შესაბამისად, ადგილობრივი ეპარქიის ხელმძღვანელთა სწორი კურსი დაასახელა მონასტრების შემცირებაზე (ქ.ც.ა. ფ.21 ან.1 ს.6470 ფ.14). მართალია, მონასტერში შტაბე-



გოგნის კარუგდებელი

ბი არ დაუდგენიათ, მაგრამ იქ 1859 წელს მღვდლის უდაბნოდან გადმოიყვანეს მღვდელ-მონაზონი არსენი (ჯიბლაძე) (ქ.ც.ა. ფ.21 ან.1 ს.7016 ფ.2), რომელმაც მონასტერში ცოტა ხანს იღვანა.


1861 წელს გოგნის მონასტერი საბოლოოდ გაუქმდა და მისი ქონება და ნივთ-სამკაული ისევ გელათის მონასტერში გადაიტანეს დასაცავად. ამ გაუქმების შედეგად მონასტრის ნაგებობები, რომლებიც სოფლისგან დაშორე-

ნების ნება მისცა 1874 წელს სოფელ გოგნის მრევლს, რომელიც ახალ ეკლესიას აგებდა (ქ.ც.ა. ფ.21 ან.1 ს.12771 ფ.49). მონასტრის შენობების ნაშთები დღემდეა მოღწეული.

გოგნის მონასტერს, მიუხედავად ხანმოკლე არსებობისა (1778-1861 წწ.) და რამდენჯერმე დახურვა-განახლებისა, თავისი მოკრძალებული ადგილი უჭირავს საქართველოს ეკლესიის სამონასტრო ცხოვრებაში.



მაცხოვრის ფერისცვალების ეკლესია




სასახლის ღვთისმშობლის სახელობის კარის ეკლესია

ბით მდებარეობდა, ფაქტობრივად უყურადღებოდ დარჩა, რამაც რამდენიმე წელიწადში მათი დანგრევა განაპირობა.

ამ პროცესს იმანაც შეუწყო ხელი, რომ იმერეთის ეპისკოპოსმა გაბრიელმა „გოგნის უდაბნოს გაცილებული ეკლესიის“ მეორად სამშენებლო მასალად გამოყე-

P.S. ვრცელი მეცნიერული წერილიდან, რომელიც ბატონმა მერაბ კეზევაძემ მოგვანოდა, მისივე ნებართვით თქვენთვის მხოლოდ ეს მცირე ნაწილი წარმოვადგინეთ, თუმც საკმარისი იმისათვის, რომ დავრწმუნდეთ გოგნის უდაბნოს მონასტერის მნიშვნელობაში.



გოგნის წმ. გიორგის სახელობის ახლადაშენებული მონასტერი

შპს „თეატრალი“

გამომცემელი მთავარი რედაქტორი
ვალერიან გოგიაშვილი დავით კლდიაშვილი
599 92 49 75 599 91 24 14

ს ა რ ა დ ა ქ ც ი ო კ ო ლ ე ბ ი ა

რეგისტრაციის №53/5/ბ-22

გამოდის თვეში ორჯერ

კორესპონდენტები:

ჟ. ცხადაძე—558 90 82 55
მ. ცქიფურიშვილი—555 28 11 41

ელ-ფოსტა: gazetiterjola@gmail.com

აიწყო და დაკაბადონდა რედაქციის კომპიუტერულ ცენტრში

მისამართი:

ქ. თერჯოლა, კოსტავას ქუჩა №2
დაიბეჭდა ქუთაისის
შპს „ხომლი ენ“-ის სტამბაში
ქუთაისი, ჭავჭავაძის გამზ. №33

ჩვენი რეკვიზიტები:

„ლიბერთი ბანკი“
LBRTGE22,
ანგარიში
GE32LB0113133960124000
ს/კ 231948872